

卷六

書名 錦繡萬花谷別集三十卷 嘉靖十五年序錫山秦汴鏞
石書堂刊本後修
撰者 宋 闕名 撰
卷 卷六
內容分類 子-類書-彙考-宋
索書號 大木-子部-類書類-31
編號 C5924800



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本全文影像資料庫 索書號: 大木-子部-類書類-31

漢籍善本全文影像資料庫文本 錦繡萬花谷別集三十卷 嘉靖十五年序錫山秦汴鏞石書堂刊本後修

版權所有: 東京大學 東洋文化研究所

使用上的注意事項

錦繡萬花谷別集卷之一

天

廣雅云九天之際曰九垓九天之外次曰九

云垓垓也垓階也言階次有九

漢名臣奏曰今史官所用候臺銅儀則混天法也

記曰長安南有靈臺上有銅渾天儀

晉天文志天形南高而北下日出高故見日

不見天之居如倚蓋

漢天文志天運三十歲一小變百年中變五

文三大變一紀三紀而大備

太元經闔天謂之宇闔天謂之宙

唐天文志元宗詔一行與梁令瓚鑄



0 1 2 3 4 5 6 7 8 9 30 1 2 3 4 5 6 7 8 9 4



續萬花谷別集卷之六

皇后

列女傳周宣姜后齊侯之女也宣王嘗晝夜卧晏起姜后乃脫簪珥待罪於永巷使傅母通言於王王曰寡人之過夫人何辜遂勤政事成中興之君焉

晉后妃傳序作配皇極齊休紫宸象玉牀之連後宮喻金波之合義璧爰自夙古是謂元妃降及中年乃稱王后

後明德馬皇后傳永平元年立為皇后裳衣大練裙不加祿六宮莫不咲息

後正獻皇后傳正獻皇后生文宗文宗立上尊號曰皇太后初太和中懿安太后居吳慶宮寶曆太

四六四

后居義安殿后居大內號三宮太后開成中正月望夜
帝御咸泰殿大燃灯作樂迎三宮太后奉觴進壽礼如
家人

漢高祖薄姬文帝母也父吳人与魏王宗女
魏媼通生姬許負相當生天子漢王見薄姬有詔內後
宮姬少時与管夫人趙子兒相愛約曰先貴毋相忘及
兩美人侍漢王相與笑初時約漢王問其故兩人以实
告是日召欲幸之姬對曰昨暮夢龙扱妾胸上曰是貴
徵也吾為汝成之遂幸有身生文帝

椒房東漢皇帝紀賈班政蘭閨宜礼椒屋註云即
椒房也

后起鷄儀殿以居之廷尉陳元達切諫娥時在後堂手
疏啓曰自古敗国喪家未始不由婦人妾每覽古事忿
之忘食何意今日妾自為之後人之視妾亦由妾之視
前人復何面目仰視巾櫛請歸死此堂以塞陛下誤惑
之過聰覽之色变以娥表示元達曰外輔如公內輔如
此后朕無憂矣

太子

公負成王霍光傳趙婕妤有男上心欲以為嗣命
大臣輔之察羣臣惟光任大責重可属社稷上延使黃
門畫者畫周公負成王朝諸侯以賜光後上病篤光涕
泣問曰如有不諱誰當嗣者上曰立少子君行周公之
事帝崩太子褒尊位是為孝昭皇帝

少陽顏延年曲水詩註太子育德於東宮東宮少陽也
虎圍齒曹王元長曲水詩儲后睿哲在躬妙善居質內
積和順外發英華斧藻至德琢磨令範言炳丹青道潤
金壁出左樓而問孺入虎圍而齒曹愛敬於一人光
耀究於四海

金聲玉潤

晉潘尼皇太子釋奠頌尊道遜齒降心下問

鋪以金聲光以玉潤

帝範十二篇

唐太宗作帝範十二篇以賜太子曰君體

建親求美審官納諫去讒戒盈崇儉賞罰務農閱武崇
文且曰脩身治國備在其中

黃臺瓜

唐承天皇帝後傳李泌與帝語後事帝泣曰事

已爾未耐何必曰陛下嘗聞黃臺瓜乎高宗有八子天

后所生者四人睿宗最幼長曰弘為太子仁明孝友后
圖臨朝鳩殺之而立次子賢賢曰憂惕每侍上不敢有
言乃作樂章使工歌之欲以感悟上及后其詞曰種瓜
黃臺下瓜熟子離離一摘使瓜好再摘令瓜稀三摘尚
云可四摘抱蔓歸而賢終為后所斥死黔中陛下今一
摘矣謹無再是時廣平有大功亦為后所構故泌因對
及之廣平遂安

鶴駕通宵鳳輦備雞鳴問寢龍樓曉○竊聞太子已
傳位聖德北服南單于花門務面請雪耻慎勿出口他
人徂並杜甫

宗室

公室枝葉

左文七年宋昭公將去羣公子樂豫曰不可

公族公室之枝葉也若去之則本根無所庇蔭矣葛藟猶能庇其本根故君子以為比况國君乎

分枝若木 魏王固表王孫公子不鏤自彫非鸞則鳳分枝若木疏派天潢宜親宗室強榦弱枝以立萬世之計

盤石之宗 漢中山靖王傳武帝即位大臣吳楚七國行事議者多寃晁錯之策皆以諸侯連城數十欲稍侵削諸侯王自以骨肉至親先帝所以廣封連城犬牙相錯者為盤石之宗今為臣下所侵辱建元三年勝來朝天子置酒勝泣具以吏所侵聞上乃厚諸侯之禮加親親之恩焉

禮樂宗英 漢河間獻王等贊大雅卓爾不羣河間獻王近之矣又叙傳云河間賢明禮樂是脩為漢宗英

李勉 唐李勉傳少喜學內沉雅外清整其在朝廷鯁亮廉介為宗臣表

宗室須補 北魏宗室澄少好學文明太后謂李冲曰此兒風神吐發富為宗室領袖澄字道鏡

瑤山五彩 唐孝敬皇帝命許敬宗楊思儉即文思殿摘採古今文章號瑤山五彩凡五百篇書奏帝賜物三萬段餘臣賜有差

情遊江海 南史齊宗室衡陽王鈞傳會稽孔珪家起園植桐柳構山泉釣往遊焉珪曰殿下處朱門遊紫闥詎得與山人交邪答曰身處朱門而情遊江海形入紫闥而意在青雲珪大美之

高帝子孫盡 尚準龍種自與常人殊○特進群公表

天人夙德升霜蹄千里駿風翻九霄鵬服禮求毫髮推
忠忘寢興○自多親棟莩誰敢問山陵學業醇儒富辭
華哲匠能筆飛鸞聳立章罷鳳塞騰贈特進汝陽讓帝
子眉宇真天人亂鬢似太宗色映塞外春往者開元中
主恩視遇頻出入獨非時禮異具群臣愛其謹潔極倍
此骨肉親贈汝陽郡王神堯十八子十七王其門道國及舒
國實惟親第昆子建文章壯河間經術存溫克富詩禮
骨清慮不喧別李我文時英特宗枝神堯後珊瑚市則
無駸驥人得有早年見標格秀氣衝星斗事業富清機
官曹正獨守頃來樹嘉政皆已傳眾口贈李入期朱邸
雲朝傍紫微垣枚乘文章老河間禮樂存奉漢中王手
宰相

黑頭三公 晉諸葛恢傳為臨沂令名亞王導庾亮謂曰
明府當作黑頭三公又北史魏元或少有才學崔光見
而謂人曰黑頭三公當此人也

左轄 杜贈韋士丞詩左轄頻虛位今年得舊儒舊註云
晉天文志轄星傳軫兩旁主王侯左轄為王者同姓右
轄為異姓

起徒步 漢公孫弘傳元朔中代薛澤為丞相先是漢以
列侯為丞相惟弘無爵上於是詔封為平津侯弘起徒
步數年至宰相封侯於是起客館開東閣以延賢人與
參謀議

再入三八四入五入 唐宰相再入者長孫無忌狄仁傑
李吉甫三入者劉幽求張說延賞鄭畋四入者韋巨源

姚元崇韋安石五入者蕭瑀裴度

卞氏六龍三十國春秋卞粹以清辯稱兄弟六人並登宰輔世稱卞氏六龍

九十八族唐宰相三百六十九人九十八族

相門有相魏曹植傳相門有相夫相者文德昭也文德昭則可以正國朝致雍熙穆契夔龍是也

黃閣三十年唐皮日休詩吾愛房與杜魁然真宰輔黃閣三十年清風億萬古

冥間金榜唐記云崔昭暴卒復生云見冥間列榜備書人間姓名將相列金榜其次列銀榜州縣並列長鐵榜**有宰相器**前何武為郡吏何壽為太守知武有宰相器以其同姓故厚之

拂衣五湖文選謝靈運述祖德詩賢相謝世運遠圖因事止高揖七州外拂衣五湖裏註云賢相太傅謝安也

三傑詩唐宋璟為尚書右丞相張說為左丞相乾源曜為太子少傅同日拜有詔大官設饌太常奏樂會百官尚書省東堂玄宗賦三傑詩自寫以賜

三到鳳池湘山野錄云退傅張鄧公士遜晚春乘安壘出南薰繚繞都城游金明抵暮指宜秋而入闈兵捧門牌請官位退傅止書詩於牌云閒遊靈沼送春回關吏何須苦見猜八十衰翁無品秩昔曾三到鳳池來

中國相司馬國朝司馬公遼人遣使入朝與吾使至虜者虜必問司馬公起居及為相遼人敕其邊吏曰中國相司馬矣慎毋生事開邊隙

白麻出必壞之唐李甘傳累遷御史鄭注侍講禁中求
宰相朝廷譁言將用之甘倡曰宰相代天治物者當先
德望後文藝注何人欲得宰相白麻出我必壞之

骨鯁宰相唐李絳傳李吉甫嘗盛贊天子威德憲宗欣
然絳曰今日西戎內訌烽燧相接加水旱無年誠陛下
焦心求濟時之畧渠便高枕而卧哉帝入謂左右曰絳
言骨鯁真宰相也遣使者賜醪醪酒

詩十年間纜濟川舟今日開懷叙九疇道合自符伊鼎
用人賢非在傳巖求寰區更喜民無病稼穡先知歲有
秋長與聖朝恢壽域食霞難訪赤松遊陳亮上清如冰
玉重如山百辟嚴趨禮絕攀強虜外聞應破膽平人相
見盡開顏朝廷有道青春好門館無私白日閑致却垂

衣更何事幾多詩句詠閑閑岑參上錦衣猶帶御爐香

宮殿移麾耀寵光千里龍舒新政令九重鳳閣舊文章

學窮造化乾坤窄醉聽笙歌日月長早晚歸來秉鈞軸

再為霖雨霈多方詹用之直須待見為堯舜未敢輕

浮作頌聲王逢原退身高卧楚城幽獨掩雙扉漢水

頭春草雨中行徑沒暮山江上捲簾愁幾人猶識孫洪

閣百口同乘范蠡舟早晚却還丞相印十年空被白雲

留劉長卿上李相四朝憂國髮如絲龍馬精神海鶴姿

天上玉書傳詔夜陣前金甲受降時曾經庾亮三秋月

盡羊曇兩路甚惆悵舊堂扃綠野夕陽無限鳥飛遲

李嗣公一戰文場拔趙旗便調金鼎佐無為白麻驟降

恩何極黃髮初聞喜可知拔救案前人到少築沙堤上

馬歸遲立班始得遙相見親洽爭如未貴時王漸格上
參政

父見其進拜退朝錄參知政事父見其進拜者盧朱崖
吳正肅與尚書張公安道樞副陳堯叟張文孝吳文肅
由登用而朝廷多峻加其父恩命

今之孟母賈黃中兩受詔知貢奉多東拔寒俊號為無
私又掌吏部選事除擬官吏數千員品藻精當上益知
其才拜給事中參知政事召見其母王氏命坐與語曰
教子如此真所謂今之孟母也因賜詩以美之賜予甚
厚

掣劉樹下牀後魏古弼太武時為尚書令參知政事時
上谷人上書言死固過度人無田業宜減太半以賜貧

者弼覽見之方欲陳奏遇太武與給事中劉樹棊不聽
事弼侍坐良久不獲申聞乃起於太武前摔樹頭掣下
牀以手搏其耳以拳歐其背曰朝廷不理爾之罪也太
武失容放棊曰不聽奏事過在朕躬樹何罪致之弼具
狀以聞太武奇弼公直皆可其奏

字不可及翰林盛事唐崔湜初執政也年二十七容止
端雅文詞清洒嘗暮出端門下天津馬上自吟曰春還
上林苑花滿洛陽城張燕公時為工部侍郎望之杳然
而嘆曰此句可效位可得其年不可及也

與宰相職業均丁未錄除張方平制參議大政雖下丞
相一等至於坐斷廟堂之論上則幹元化以調四時下
則鬯至仁以澤萬類近則羣元仰首以承德遠則殊俗

交臂以待命蓋與宰相之職業均

樞府

二府後唐莊宗始用郭崇韜分中書兵房置樞密院與宰相分秉朝政自此始用士人凡文事出中書武事出樞密謂之二府

宣麻自周太祖始續翰林志舊例樞密使未帶使相者不宣麻至周太祖初潛歷試是任乃宣制於公朝今之宣麻自周太祖始

契丹使謂得人國朝王德用武臣也仁宗朝再入樞府為使是時富弼偕契丹使來德用伴射使者曰天子以公典樞密而用富公為相可謂得人

神兵會府續會要除文彥博制云天極環樞神兵會府又賜張耆詔云北極之躔筦于神務二枋之府倚以老成

儒臣兼使相會要大中祥符間以王欽若陳堯叟檢校太傅同中書門下平章事充樞密儒臣充樞密使兼使相自王欽若等始

有府王禹偁制宥密之府總樞機於萬微
西樞熙寧三年詔曰國家以西樞內輔翊贊本兵任為重矣

戰守與中書同議熙寧初滕達道言中書密院議邊事多不合趙明與西人戰中書賞功而密院降約束廊達修堡柵密院方詰之而中書已下褒詔夫中書欲戰而密院欲守何以令天下願救大臣凡戰守議同而後下

神宗善之

國八年三郡駕赤輪更忝鴻樞對國均老去思舟多忘
事少來之武不如人車中顧馬空能數海上逢鷗想見
親唯有弟兄歸隱志共將耕鑿報堯仁

宋庠除樞密相寄子京

錦繡萬花谷別集卷之六

錦繡萬花谷別集卷之七

給事

通典給事中加官也秦置漢因之所加或大夫
博士議郎掌顧問應對位次中常侍侍郎

百命 呂元膺有直氣讜言拜為給事中

八千 漢書蕭望之輔朕八年方遷關內侯給事中

唐 唐德宗以王緯為給事中稱黃門要地

青 杜詩飄飄青瑣郎文采珊瑚鈎

左省 杜牧之行崔瑑制云左省駁議不畏強禦

中書舍人

御有古人風 南齊傳昭為中書通事舍人時居此職者
皆權傾天下獨昭廉謹無所干預器服率陋明帝聞之